

Na osnovu člana 15. Zakona o principima lokalne samouprave u Federaciji Bosne i Hercegovine («Službene novine FBiH», broj:49/06 i 51/09) i člana 38. Statuta općine Srebrenik («Službeni glasnik općine Srebrenik», broj:1/08) Općinski načelnik donosi:

PROGRAM RADA OPĆINSKOG NAČELNIKA ZA 2013. GODINU

Programske aktivnosti Načelnika Općine Srebrenik za 2013. godinu predstavljaju planski akt koji se zasniva na Ustavnim, zakonskim i statutarnim principima, koji od općinskih organa i službi zahtjevaju da upravljaju javnim poslovima, striktno u granicama zakona, da rade i djeluju u interesu stanovnika Općine i da za to snose punu odgovornost.

I - AKTIVNOSTI NA UNAPREĐENJU FUNKCIONISANJA OPĆINSKE UPRAVE

1. Voditi aktivnosti na implementaciji Zakona o principima lokalne samouprave u Federaciji Bosne i Hercegovine;
2. Raditi na unapređenju normativnog uređivanja djelatnosti iz nadležnosti Općinskog načelnika i općinskih službi;
3. U cilju stvaranja povoljnijeg poslovnog ambijenta raditi na smanjenju određenih taksi i naknada vezanih za općinu, a koje su imale veću vrijednost u odnosu na općine iz užeg okruženja;
4. Raditi na kontinuiranom poboljšanju u organizaciji i funkcionisanju općinske uprave u skladu sa standardom ISO 9001:2008, vrednovanje i ocjenjivanje uposlenika, interno kolanje dokumentacije, internim aktima propisati rokove izdavanja dokumenata po zahtjevima;
5. Početak realizacije izgradnje zgrade za općinske službe;
6. Kontinuirano će se raditi na racionalizaciji i efikasnosti rada općinske uprave – službi, njenom materijalnom, tehničkom i kadrovskom jačanju;
7. Voditi aktivnosti na unapređenju saradnje sa višim nivoima vlasti, te drugim institucijama, a sve u cilju boljeg funkcionisanja lokalne samouprave i osposobljavanja službi za njihov efikasniji i potpuniji rad na planu ostvarivanja svih prava i sloboda građana.

II – RAZVOJ PODUZETNIŠTVA I ZAPOSŁJAVANJE

Polazeći od strateške orijentacije razvoja Općine Srebrenik ka razvoju poljoprivredne proizvodnje, malog i srednjeg biznisa i turizma, vodit će se aktivnosti na sljedećem:

1. U skladu sa Strategijom integriranog razvoja Općine Srebrenik 2011.-2020. godine, nastavit će se raditi na iznalaženju potencijalnih investitora u cilju otvaranja malih i srednjih preduzeća na području općine pri čemu maksimalno podsticati privrednike naše općine i njihove poslovne partnere;
2. Kontinuirano provoditi aktivnosti na definisanju i uređenju poslovnih zona, te u toku 2013. godine završiti projektno-tehničku dokumentaciju, "Zoning – plan", za lokacijsko definisanje poslovnih zona;
3. Kadrovski jačati službe, posebno u dijelu investicija, poduzetništva i nadzora, u cilju osposobljavanja istih da budu aktivan "servis" pomoći građanima i privrednim subjektima u pripremi programa za pokretanje proizvodnje i malih biznisa;
4. Raditi na redovnom organizovanju sastanaka privrednika i predstavnika uprave svih nivoa sa ciljem otklanjanja prepreka za razvoj privrede i novih zapošljavanja;
5. U saradnji sa mjesnim zajednicama raditi na prosijecanju novih komunikacija ka obradivim zemljišnim površinama u cilju veće uposlenosti i pokretanja manjih biznisa iz domena stočarstva i voćarstva i efikasnosti u podsticanju iskorištenja dobivenih sredstava;

6. Aktivirati programe koji imaju za cilj jačanje kooperantskih odnosa sa individualnim proizvođačima na selu, u cilju plasiranja ugovorenih vlastitih proizvodnji i sigurnosti u plasmanu njihovih (poljoprivrednih proizvođača) proizvoda;
7. Promovisanje privrednih i drugih resursa Općine Srebrenik na sajmovima i slično;
8. U skladu sa strategijom vodosnabdijevanja općine Srebrenik voditi aktivnosti na obuhvatanju cijele općine sa vodosnabdijevanjem, te na širenju obuhvata odvoza smeća sa svih mjesnih područja i na intenzivnijem praćenju problematike odvoza smeća od nadležnih službi;
9. Voditi aktivnosti na realizaciji programa razvoja turizma (lovnog turizma, projekat Stari grad Srebrenik, uspostavljanje zaštitnih zona na Majevidi sa obuhvatanjem zaštitne zone za potencijalnu akumulaciju na bistričkoj rijeci);
10. Nastaviti realizaciju projekta toplifikacije grada a sciljem stvaranje uslova za proširenje konzumenta, kao i sticanja uslova u oblasti koumalne djelatnosti za osnivanje javnog preduzeća za oblast, toplifikacije, parking prostora, upraviteljstva objektima kolektivnog stanovanja, ulične rasvjete, kao i drugih oblasti komunlane djelatnosti,
11. Finansiranje volonterskog rada pripravnika, radi sticanja uslova za njihovo brže zapošljavanje, uz mogućnosti raspisivanja javnog poziva i dva vremensta perioda zbog stvaranja za smanjenje vremena čekanja od momenta sticanja zvanja do momenta zaključivanja ugovora o volontiranju;

III – KAPITALNI PROJEKTI I FINANSIJSKA ULAGANJA U ZNAČAJNE PROJEKTE

U dijelu kapitalnih projekata i finansijskih ulaganja u oblastima: izgradnje i rekonstrukcije vodovoda, hidrogeoloških istraživanja i projektovanja, asfaltiranja ulica i puteva, rekonstrukcije i sanacije makadamskih putnih pravaca, projektovanja i izvođenja radova izgradnje kanalizacije, poboljšanja u snabdijevanju električnom energijom, razvoja telefonskog saobraćaja, održavanja i izgradnje ulične rasvjete itd., radit će se u cijelosti po Programu izgradnje infrastrukture na području općine Srebrenik u 2013. godini, Programu izgradnje kanalizacije i Programu uređenja gradskog građevinskog zemljišta koje usvoji Općinsko vijeće, te u tom smislu oni su sastavni dio ovog Programa rada.

IV - ZAŠTITA OKOLIŠA – SELEKTIVNO PRIKUPLJANJE OTPADA – SANITARANA DEPONIJIA

- voditi aktivnosti na sanaciji deponije krutog otpada u Babunovićima predviđenim projektom (III faza), privođenje krajnjoj namjeni zatvaranja;
- stvarati uslove za otvaranje nove sanitarne deponije na području općine Srebrenik, te razvijati model selektivnog prikupljanja otpada,
- mjerenje kvaliteta zraka u gradskom dijelu Srebrenika u sezoni grijanja s ciljem informisanja građanjanja, te uticaja individualnih kotlovnica na sam kvalitet zraka,
- izrada projekta "Park – prirode" i sportsko-rekreativne zone na lokalitetu Majevidice;
- projekat "Moj grad – moje drvo",
- izrada Programa zaštite čovjekove okolice na području općine Srebrenik za 2013. godinu i LEAP-a za područje općine Srebrenik.

V - OBJEKTI SPORTA I REKREACIJE – IZGRADNJA I NJIHOVO ODRŽAVANJE

Na planu izgradnje sportskih objekata, rekreacije i njihovog održavanja, a u cilju sticanja uslova za masovnije bavljenje sportom i rekreacijom, Općinski načelnik će raditi u skladu sa finansijskim mogućnostima i po prioritetima i potrebama koje utvrdi Općinsko vijeće kroz svoje programe (Program infrastrukture i sl.).

VI - JAVNE MANIFESTACIJE

1. U saradnji sa Općinskim vijećem donijeti će se poseban Program obilježavanja značajnih događaja na općini Srebrenik;
2. Manifestacija "Dani povelje" 2013.
3. Program obilježavanja manifestacije "OGUS" 2013.godine;
4. Međunarodna naučna konferencija "Srebrenik kroz historiju",
5. Državne praznike i druge značajne datume državnog, federalnog, kantonalnog i općinskog značaja prigodno obilježiti;
6. U skladu sa finansijskim mogućnostima pomagati manifestacije koje se organizuju na području naše općine u svim mjesnim zajednicama.

VII – IZ DOMENA OPĆINSKIH SLUŽBI

U skladu sa nadležnostima propisanim zakonskim i drugim pozitivnim propisima, općinske službe će raditi na sljedećem:

1. SLUŽBA ZA OPĆU UPRAVU I ZAJEDNIČKE POSLOVE

- Obezbjedenje potpune materijalne i stručne pomoći u radu Vijeća mjesnih zajednica na području općine Srebrenik (51 mjesna zajednica na području općine Srebrenik).
- Poboljšanje postojećih softverskih rješenja i uvođenje novih programa po ukazanoj potrebi u pojedinim službama.
- Izvršiti servisiranje računarske mreže, te nabaviti nove mrežne uređaje hubove i switcheve, obzirom da su, značajnijim povećanjem procenta korištenja računara, postojeći postali najveća kočnica mreži i bržem rješavanju predmeta u elektronskoj formi; također obavezno produžiti licencu za sophos antivirus i firewall i u 2013. godini, te nastaviti sa nabavkom novih računara i ostale nedostajuće računarske opreme.
- Nastavak i privođenje kraju aktivnosti na unosu matičnih podataka u baze podataka u svim matičnim uredima, verifikacija unosa te uvođenje elektronskog potpisa pri izdavanju i razmjeni ovih podataka.
- Izrada plana obrazovanja službenika i namještenika u službama za upravu općine Srebrenik.
- Izrada pravilnika o unutrašnjoj organizaciji službi za upravu i sistematizaciji poslova i radnih zadataka u skladu sa novom Odlukom o organizaciji organa uprave općine Srebrenik, Zakonom o državnoj službi, Zakonom o namještenicima u organima državne službe i Zakonom o organizaciji organa uprave u FBiH., kao i donošenje svih drugih akata koji nisu usklađeni sa zakonskim propisima ili nisu uopšte doneseni.
- Nastavak rada na izradi Biltena općine Srebrenik, brošura i propagandnih letaka, te u skladu sa brojnim preporukama ići ka povećanju ili bar zadržavanju postojećeg tiraža navedenih publikacija i boljoj distribuciji istih, kako bi ih koristilo što više građana.
- Nastavak rada na ažuriranju web stranice: www.srebrenik.ba,
- Nastavak aktivnosti na održavanju dostignutog nivoa i daljnjem poboljšanju VPN veza računara iz naših Službi sa serverima u nadležnim federalnim i kantonalnim ministarstvima (projekat on line registracije poljoprivrednih proizvođača za ostvarivanje podsticaja u poljoprivrednoj proizvodnji, projekat on line unosa promjena na operatima kroz program Katastar koju implementira firma "Gaus" Tuzla, projekat on line provjera u postupku izdavanja putnih isprava, projekat on line unosa promjena u Registar novčanih kazni i prekršajnih evidencija posredstvom servera Kantonalne uprave za inspeksijske poslove Tuzla, projekat on line komunikacije i unosa izbornih rezultata kroz odgovarajući program Centralne izborne komisije).

2. SLUŽBA ZA DRUŠTVENE DJELATNOSTI, RASELJENA I IZBJEGLA LICA

- Raspisati Javni poziv, i provesti aktivnosti vezane za dodjelu učeničkih stipendija i studentskih kredita za školsku-akademsku 2012/2013 godinu.
- Organizovati tradicionalni Festival kulturnog stvaralaštva učenika osnovnih i srednjih škola u čijoj organizaciji učestvuje Služba, u saradnji sa direktorima svih osnovnih škola sa područja općine Srebrenik, i menadžmentom MSS Srebrenik,
- Kontinuirano vršiti praćenje rada i aktivnosti u svim Javnim ustanovama sa područja općine Srebrenik, uz pružanje svih vidova pomoći u organizaciji rada i drugih aktivnosti ovih ustanova,
- Zajedno sa Sportskim savezom općine Srebrenik organizovati sportske manifestacije povodom obilježavanja značajnih datuma na području naše općine.
- Provesti proceduru oko raspisivanja Javnog poziva za dodjelu sredstava iz budžeta Općine Srebrenik nevladinim organizacijama i udruženjima građana sa područja naše općine, a kontinuirano provoditi saradnju sa nevladinim organizacijama i udruženjima građana oko izrade projekata, i apliciranje sa istim kod viših nivoa vlasti, i raznih međunarodnih donatora,
- Usko saradivati sa Federalnim Ministarstvom okoliša i turizma, Federalnim ministarstvom kulture i sporta, Turističkom zajednicom TK, Komisijom za zaštitu nacionalnih spomenika, Zavodom za zaštitu kulturno historijskih spomenika, kako bi se uz njihovu pomoć zaštitili, sanirali, te bolje promovisali svi kulturno historijski spomenici na području naše općine,
- Kontinuirano raditi na prezentaciji i isticanju turističkih potencijala te komparativnih prednosti općine Srebrenik na polju turizma. Raditi na brendiranju i promociji „Starog grada“ Srebrenika, kao centralnog kulturno historijskog spomenika općine Srebrenik te osmisliti razne sadržaje koji bi doprinijeli bolje pozicioniranje istog na turističkim rutama. Aktivno saradivati sa višim nivoima vlasti kako bi se obezbijedila sredstva za implementaciju Urađene i revidovane idejno-programske osnove revitalizacije šireg kompleksa „Starog grada“ Srebrenika,
- U saradnji sa Centrom za kulturu i informisanje unaprijediti sadržaje manifestacije OGUS koja je trenutno manifestacija lokalnog karaktera, što i nije u redu s obzirom na tradiciju koju posjeduje. Pokušati OGUS pozicionirati kod viših nivoa vlasti kao manifestaciju od regionalnog značaja, te na taj način obezbijediti dio sredstava za organizaciju iste,
- Za vrijeme manifestacije „Dani Povelje“ prezentovati novu web stranicu koja će služiti za promovisanje svih kulturno historijskih spomenika, turističkih potencijala naše općine, kao i svih manifestacija iz domena kulture,
- Nakon izvršenih aktivnosti oko provođenja Javnog poziva po utvrđenim kriterijima, i dodjeli budžetskih sredstava na osnovu apliciranih projekata nevladinim organizacijama i udruženjima građana, vršiti će se monitoring (kontrola utroška sredstava u odobrene svrhe) nad onim projektima koji su zadovoljili kriterije Javnog poziva odnosno koji se finansiraju iz budžeta Općine Srebrenik.
- Služba će aktivno učestvovati u praćenju i provođenju Javnih oglasa za dodjelu donacija za izgradnju porušenih i popravku oštećenih kuća raspisanih od strane Ministarstva za rad, socijalnu politiku i povratak TK-a, kao i za dodjelu sredstava namijenjenih održivom povratku.
- Provesti aktivnosti vezane za raspisivanje Javnog poziva za odrađivanje pripravničkog-volonterskog staža nezaposlenim licima visoke stručne spreme sa područja Općine Srebrenik, te lica koja su prošla po Javnom pozivu rasporediti u ustanove – preduzeća u kojima će odraditi pripravnički – volonterski staž.
- Redovno provoditi aktivnosti oko utvrđivanja statusa raseljenih lica sa ustrojstvom evidencije tačnog broja lica sa priznatim statusom raseljenog lica na području općine.

- Obavljati poslove vezano za socijalno zbrinjavanje stanovnika općine Srebrenik kroz razne vidove pomoći kako domicilnom socijalno ugroženom stanovništvu tako i povratnicima i raseljenim licima koja trenutno borave na području općine Srebrenik

3. SLUŽBA ZA PROSTORNO UREĐENJE, STAMBENO-KOMUNALNE POSLOVE I OBNOVU

3.1. Oblast urbanizma i prostornog planiranja

- a) Poduzimanje odgovarajućih mjera i aktivnosti na daljem poboljšanju efikasnosti Službe u ostvarivanju prava građana i drugih lica kod pribavljanja potrebne dokumentacije (urbanističke saglasnosti, građevinske dozvole itd.).
- b) Dovršetak svih upravnih postupaka koji nisu okončani tokom 2012. godine.
- c) Izrada normativno-pravnih akata iz ove oblasti za Općinsko vijeće kako slijedi:
 - izrada Programa uređenja građevinskog zemljišta za 2013. godinu,
 - izrada izmjena i dopuna Prostornog plana općine Srebrenik,
 - izrada Odluke o provođenju Prostornog plana općine Srebrenik,
 - izrada Odluke o usvajanju Urbanističkog plana grada Srebrenika,
 - izrada Odluke o provođenju Urbanističkog plana,
 - izrada Urbanističkih projekata prema Regulacionom planu „CENTAR“ Srebrenik,
 - izrada Regulacionog plana Tinja,
 - izrada Zoning plana poslovne zone „Špionica“.
- d) Provođenje upravnih postupaka pokrenutih po zahtjevima investitora za legalizaciju bespravno izgrađenih građevina sukladno Zakonu o uvjetima i postupku legaliziranja bespravno izgrađenih građevina.
- e) Sprovođenje širih aktivnosti na uređenju gradskog građevinskog zemljišta tokom 2013. godine i to:
 - izrada cvijetnih aranžmana i uređenje zelenih površina u gradu,
 - priprema i licitiranje novih lokacija za postavljanje stalnih i privremenih poslovnih objekata, a u skladu sa Regulacionim planom „Centar“ Srebrenik,
 - dekoracija gradskog centra povodom praznika,
 - popravak kolovoza ulica,
 - rekonstrukcija postojećih i dovršetak nedostajućih dijelova uličnih rasvjeta u ulicama grada Srebrenika prema projektno-tehničkoj dokumentaciji,
 - izgradnja dječijih zabavnih igrališta u gradu,
 - vanjsko uređenje oko objekta „Bigeraj“,
 - izvođenje radova na uređenju parka kod „Gradske kafane“,

3.2. Stambeno-komunalna oblast

- dovršetak svih upravnih postupaka koji nisu okončani tokom 2012. godine,
- redovno praćenje stanja u oblasti održavanja stambenog fonda,
- okončanje postupka otkupa stanova u vlasništvu općine, ili za koje je općina ovlaštena da vrši prodaju,
- dovršetak kanalizacione mreže u gradu i prigradskim naseljima,
- priprema normativno-pravnih akata iz ove oblasti za Općinsko vijeće (Program obavljanja komunalnih usluga zajedničke komunalne potrošnje, razne informacije itd.),
- Izrada Odluke o kućnom redu u stambenim zgradama,
- dovršetak realizacije I faze toplifikacije grada Srebrenika prema urađenoj projektno-tehničkoj dokumentaciji,
- rješavanje odvodnje oborinskih voda u gradu Srebreniku prema pozicijama radova definisanih u Programu uređenja gradskog građevinskog zemljišta u 2013. godini,

- rekonstrukcija vodovodne mreže u gradu Srebreniku prema prema pozicijama radova definisanih u Programu uređenja gradskog građevinskog zemljišta u 2013. godini,
- izgradnja i rekonstrukcija kanalizacione mreže u gradu Srebreniku prema prema pozicijama radova definisanih u Programu uređenja gradskog građevinskog zemljišta u 2013. godini,
- regulacije rijeke Tinje od Koprića mosta prema Čehajama,
- projektovanje kanalizacionog kraka Herceg – Gradnja – Kiseljak,
- izgradnja odvodnje oborinskih i kanalizacionih voda kroz „Spahijinu nivu“ prema projektno-tehničkoj dokumentaciji,
- izgradnja pješačke staze i kanalizacionog kraka kod II Osnovne škole,
- izvođenje radova na regulaciji Mulahmetovića potoka

3.3. Oblast saobraćaja

- redovne aktivnosti na održavanju horizontalne i vertikalne saobraćajne signalizacije u skladu sa Odlukom o bezbjednosti saobraćaja,
- izvođenje radova na regulaciji Mulahmetovića potoka
- organizovanje zimske službe za kompletno općinsko područje,
- redovne aktivnosti održavanja putne mreže i sanacije gradskih ulica,
- proširenje parking prostora u gradu,
- rješavanje izgradnje saobraćajnice kroz sportsko-rekreativnu zonu
- aktivnosti na semaforizaciji raskrsnica sa frekventnim saobraćajem u području grada
- izvođenje radova na rekonstrukciji ulice
- izradnja ulica prema urađenoj projektno-tehničkoj dokumentaciji kako slijedi:
 - a. Varoških polja,
 - b. Vahida Ibrića
 - c. Bosanskih branilaca,
 - d. Maršala Tita,
 - e. I.M.Irca do Čehaja sa dvije priključne ulice iza „Poljostroja“,
- izgradnja raskrsnice kod „BINGA“,
- izgradnja dijelova-priključaka primarne gradske saobraćajnice,
- dovršetak započetog kolskog i rekonstrukcija postojećih pješačkih prilaza objektu I OŠ Srebrenik,
- uređenje pješačkih staza uz regulisani dio rijeke Tinje sa uređenjem pješačke šetnice,
- izgradnja dijela trotoara u gradu
- izrada idejnog projekta objekta "Javne garaže" na lokaciji prema Regulacionom planu zone "Centar",
- izvođenje radova na izgradnji ulica u makadamskoj podlozi u dijelu naselja Bare, između ul. Rukiba Sinanovića i korita rijeke Tinje,
- izvođenje radova na modernizaciji ulice Rukiba Sinanovića do Baduše,
- izmiještanje semaforiskog uređaja na raskrsnici ulica sa reg. putem kod "Poljostroja",
- izvođenje radova na izgradnji kraka ulice u makadamskoj podlozi tj. nastavak ulice Hasana Kikića,
- izvođenje radova na izgradnji dva kraka ulica u makadamskoj podlozi, odnosno spoja ulica 21. Juna i Nedžada Šečića,
- izgradnja ulice kroz „Spahijinu njivu“ prema projektno-tehničkoj dokumentaciji,
- izgradnja ulice ispred objekta „Šalter sala općinskih Službi“ sa izgradnjom spoja sa ul. M. Tita,
- izvođenje radova na rekonstrukciji ul. Mehmeda Ibrahimovića sa izgradnjom slivne rešetke i kanalizacionog kraka..

3.4. Zaštita okoliša

- realizacija III faze projekta uređenja deponije komunalnog otpada Babunovići (konačna sanacija i zatvaranje iste),

- u saradnji sa Vladom i Ministarstvom prostornog uređenja i zaštite okoliša TK i općinama našeg kantona raditi na trajnom rješavanju pitanja odlaganja otpada u okviru projekta izgradnje regionalne ili međuopštinske deponije,
- u saradnji sa JP "9. Septembar" d.d. Srebrenik nastaviti sa aktivnostima na proširenju i organizovanom odvozu komunalnog otpada na području cijele općine, te razvoja selektivnog prikupljanja otpada,
- izrada projekta "Park – prirode" i sportsko-rekreativne zone na lokalitetu Majevice,
- u saradnji sa Vladom TK uklanjanje svih divljih deponija oko puteva i riječnih tokova,
- usvajanje Programa zaštite čovjekove okolice na području općine Srebrenik za 2013. godinu i LEAP-a za područje općine Srebrenik,
- realizacija dijela aktivnosti planiranih LEAP-om,
- radovi na II fazi toplifikacije gradskog centra,
- aktivnosti sa NVO i školskim sekcijama na eko projektima.

4. SLUŽBA ZA GEODETSKE I IMOVINSKO – PRAVNE POSLOVE

- Održavanje premjera i katastra zemljišta u okviru kojeg će se rješavati zahtjevi stranaka koji se odnose na cijepanje parcela, uplanjenje objekata, uknjižba i prenos prava na nekretninama, te izdavanje podataka iz katastra zemljišta novog premjera i katastra starog premjera.
- Nastavak projekta digitalizacije katastarskih planova i podataka katastra zemljišta novog premjera za preostale tri katastarske općine (K.O.Lisovići, K.O.Tinja i K.O.Jasenica) na području općine Srebrenik.
- Skeniranje katastarskih planova starog premjera za 28 katastarskih općina i katastarskih planova novog premjera za 31 katastarsku općinu.
- Implementacija novog softverskog rješenja katastra zemljišta za do sada digitalizovane planove novog premjera.
- Održavanje katastra podzemnih instalacija i komunalnih uređaja u smislu njihovog snimanja i evidentiranja na planovima te preuzimanje elaborata o podzemnim instalacijama i komunalnim uređajima koje su snimala druga pravna i fizička lica ovlaštena za te poslove.
- Obavljanje geodetskih poslova u rješavanju imovinsko-pravnih odnosa i sudskih sporova.
- Provođenje postupaka u rješavanju imovinsko-pravnih odnosa na građevinskom zemljištu u slučajevima preuzimanja i dodjele zemljišta planiranim Programom uređenja građevinskog zemljišta za 2013. godinu.
- Provođenje postupaka u rješavanju imovinsko-pravnih odnosa na uzurpiranom zemljištu.
- Provođenje postupaka u rješavanju imovinsko-pravnih odnosa na zemljištu i drugim nekretninama u slučajevima eksproprijacije i deeksproprijacije nekretnina.
- Provođenje aktivnosti radi pripreme i priprema Nacrta i prijedloga Odluke o utvrđivanju prosječne konačne građevinske cijene 1 m² korisne stambene površine na području općine Srebrenik koju prema programu rada za 2013. godinu utvrđuje i donosi Općinsko vijeće Srebrenik.
- Provođenje aktivnosti radi pripreme i priprema drugih akata (rješenja, zaključaka, informacija i dr.) koje donosi i usvaja Općinsko vijeće iz oblasti premjera i katastra zemljišta i oblasti imovinsko-pravnih odnosa.

SLUŽBA CIVILNE ZAŠTITE

- Provesti aktivnosti na rješavanju smještajnog prostora u cilju objedinjavanja odsjeka civilne zaštite u jedan objekat kao i ostalih struktura zaštite i spašavanja uz korištenje mogućnosti njihovog lociranja van centra grada korištenjem ponuda u cilju zamjene prostora.
- Imenovati povjerenike civilne zaštite u mjesnim zajednicama;
- Planirati i vršiti materijalno opremanje struktura Civilne zaštite u skladu sa posebnim planovima;
- Izvršiti obuku povjerenika civilne zaštite u mjesnim zajednicama;

- Izvršiti nabavku vatrogasnog vozila -cisterne za potrebe vatrogasne jedinice i dostave vode za piće;
- Uraditi i usvojiti Plan zaštite od požara općine Srebrenik;
- Pružati finansijsku podršku građanima i pravnim licima na preduzimanju preventivnih mjera zaštite i spašavanja i otklanjanju posljedica prirodnih i drugih nesreća;
- Organizovati obilježavanje 1.marta – Dana Civilne zaštite;
- Organizovati obilježavanje mjeseci zaštite od požara (maj i oktobar);
- Urediti oblast Dimnjačarske djelatnosti na području općine Srebrenik;
- Vršenje i drugih poslova iz nadležnosti Općinskog načelnika koje su mu date u nadležnost Zakonima i podzakonskim propisima iz oblasti zaštite i spašavanja i civilne zaštite.

SLUŽBA ZA BORAČKO-INVALIDSKU ZAŠTITU

- Analiza i pregled riješenosti predmeta iz oblasti boračko-invalidske zaštite u skladu sa odredbama Zakona o pravima branilaca i članova njihovih porodica, Zakona o dopunskim pravima branilaca i članova njihovih porodica, kao i praćenje stanja riješenosti predmeta u postupku revizije korisnika prava iz oblasti boračko-invalidske zaštite
- Analiza i pregled stanja riješenosti zahtjeva iz oblasti dopunskih prava branitelja i članova njihovih porodica
- Priprema materijala za sjednicu općinskog vijeća u skladu s programom rada općinskog vijeća za 2013.godinu
- Praćenje realizacije Odluka općinskog vijeća, koje su donesene, a tiču se boračko-invalidske zaštite
- Praćenje realizacije pojedinih dopunskih prava (Konkursi za dodjelu bespovratnih i kreditnih sredstava za rješavanje stambenih pitanja boraca i članova njihovih porodica za 2013.godinu)
- Obilježavanje godišnjica i značajnih datuma iz oblasti boračko-invalidske zaštite
- Koordinacije rada i saradnja sa Udruženjima boraca na nivou Općine Srebrenik u cilju rješavanja statusnih pitanja boraca i članova njihovih porodica

SLUŽBA ZA BUDŽET, PODUZETNIŠTVO I NADZOR

1. Odsjek za budžet

a) Poduzimanje odgovarajućih mjera i aktivnosti radi efikasnijeg rada odsjeka, odnosno izrada pravilnika, procedura i uputstava u vezi sa poslovima i zadacima iz nadležnosti ove Službe u skladu sa Smjernicama za uspostavu i jačanje interne kontrole kod budžetskih korisnika i Zakona o budžetima u F BiH,

b) Aktivnosti oko priprema za uvođenje trezorskog poslovanja u općini u skladu sa zakonom propisanim procedurama,

c) Priprema i izrada normativno - pravnih akata za Općinsko vijeće iz nadležnosti rada Odsjeka i to kako slijedi:

- Odluka o budžetu općine Srebrenik za 2013. Godinu
- Odluka o izvršavanju budžeta za 2013. godinu,
- Izvještaj o izvršenom popisu imovine općine Srebrenik za 2012.,
- Izvještaj o izvršenju budžeta općine Srebrenik za 2012. godinu,
- Izvještaj usvajanju godišnjeg obračuna budžeta općine Srebrenik za 2012. godinu.
- Izvještaj o izvršenju budžeta općine Srebrenik za period 01.01.- 30.06.2013. godine.
- Odluka o izmjenama i dopunama Odluke o budžetu općine Srebrenik za 2013. godinu,

- Nacrt Odluke o budžetu općine Srebrenik za 2014. godinu,
- Nacrt Odluke o izvršavanju budžeta općine Srebrenik za 2014. godinu,
- Prijedlog Odluke o budžetu općine Srebrenik za 2014. godinu,
- Prijedlog Odluke o izvršavanju budžeta općine Srebrenik za 2014. godinu,

2. Odsjek za poduzetništvo

a) Priprema i izrada normativno - pravnih akata za Općinsko vijeće iz nadležnosti rada Odsjeka i to kako slijedi:

- Odluka o izmjenama i dopunama Odluke o komunalnim taksama,
- Program izgradnje infrastrukture za područje općine Srebrenik za 2013. godinu,
- Program podsticaja u poljoprivredi iz budžeta općine Srebrenik za 2013. godinu,
- Program mjera zdravstvene zaštite životinja na području općine Srebrenik za 2013. godinu,
- Informacija o stanju u oblasti poljoprivrede na području općine Srebrenik za 2013. godinu,
- b) Lokalni razvoj
- Strateški ciljevi u ovoj oblasti su: smanjiti stopu nezaposlenosti, provođenje Strategije integriranog razvoja općine Srebrenik, partnerstvo javnog i privatnog sektora, nastaviti sa trendom ulaganja u infrastrukturu, podsticaji poduzetništvu i poljoprivredi, aktivnosti na izradi projekata za uspostavu poslovnih zona.
- U skladu sa Integriranom strategijom razvoja poseban akcenat staviti na ravnomjeren ruralni razvoj prilikom realizacije projekata iz Strategije.
- Nastaviti i proširiti saradnju i kontakte sa Udruženjem privrednika, te na bazi zajedničkih interesa i odgovornosti rješavati konkretna pitanja od interesa za razvoj poduzetništva i lokalne zajednice (od pomoći i podrške pojedinim privrednim subjektima, pa do rješavanja pitanja raznih taksi, komunalnih naknada itd);
- Raditi na unapređenju organizacije i efikasnosti općinske uprave za stvaranje povoljnijeg ambijenta za razvoj kroz provođenje projekta IFC i ISO standarda i jačanje kapaciteta za upravljanje projektima.
- Pripremati konkretne i „provodljive“ mjere podrške lokalnom biznisu (odluke, postupci, rokove, takse, naknade i slično) s ciljem da u skladu sa zakonskom legislativom u najkraćem roku i na jednom mjestu poduzetnik riješi svoje zahtjeve – koji će se i dalje tretirati kao zahtjevi visokog prioriteta u radu općinskih službi;
- Na adekvatan način će se raditi na povezivanju privrednika Srebrenik sa zainteresovanim poslovnim partnerima u zemlji i inostranstvu, pomagati im i podržavati ih u njihovoj komunikaciji sa višim organima vlasti (nadležnim ministarstvima), finansijski podržavati zajedničke nastupe na sajmovima u cilju adekvatne prezentacije privrednih subjekata općine Srebrenik;
- Kroz projekat UNDP vršiti ažuriranje programa kapitalnih investicija usklađenim sa Strategijom integriranog razvoja Općine Srebrenik i sa Budžetom općine Srebrenik,
- Raditi na izradi novih projekata za apliciranje ka višim nivoima i međunarodnim fondovima prema raspisanim natječajima za korištenja sredstava.
- U skladu sa Strategijom integriranog razvoja, Programom kapitalnih investicija, Programom uređenja gradskog građevinskog zemljišta i Programom izgradnje lokalne infrastrukture na području općine Srebrenik za 2013. godinu, bit će utvrđene aktivnosti na nastavku započetih projekata i pripremi i provođenju novih projekata.
- Provođenje mjera podsticaja u poljoprivredi u skladu sa u skladu sa budžetima za 2013. godinu
- Nastavak registracije poljoprivrednih proizvođača u odgovarajuće registre uz održavanje baza podataka,

- Organizovanje edukacija i pružanja stručne pomoći u proizvodnjama hrane za tržišta sa malih posjeda u cilju formiranja što većeg broja specijalizovanih tržišno orijentisanih poljoprivrednih gazdinstava;
- Planirati i provoditi mjere prevencije i zaštite životinja u saradnji sa Veterinarskom stanicom Srebrenik
- Pružati pomoć svim zainteresovanim poljoprivrednim proizvođačima u realizaciji povoljnih kreditnih sredstava i poticaja za primarnu proizvodnju;

Započeti značajniji projekti:

1. Projekat izgradnje zgrade za općinske organe uprave
2. Projekat toplifikacije grada Srebrenika
3. Projekat vodosnabdijevanja Brnčana i Falešića sa izvorišta Glib,
4. Projekat izgradnje pješačke staze pored magistralnog puta M 1.8.

Izrada novih projekata

1. Aktivnosti na realizaciji projekta parking prostora sa sanitarnim čvorom u kompleksu Starog grada Srebrenik,
2. Izrada izvedbenih projekata unutrašnje revitalizacije Starog grada Srebrenik,
3. Aktivnosti na rješavanju problema vodosnabdijevanja MP Tinja i MP Podorašje

Organizaciono-kadrovske pretpostavke za izvršenje ovog dijela programa

- Aktom o unutrašnjoj organizaciji i sistematizaciji ili drugim aktom uspostaviti bolja rješenja u odnosu na sadašnje stanje u sektoru planiranja, kreiranja, predlaganja i vođenja projekata od općinskog značaja;
- Uspostaviti efikasniju koordinaciju između općinskih službi i Odjela za razvoj;

3. Odsjek za nadzor

a) Priprema i izrada normativno - pravnih akata za Općinsko vijeće iz nadležnosti rada Odsjeka i to kako slijedi:

- Informacija o radu općinskih inspekcija za 2012. godinu.

b) oblast nadzora

- Intenzivirati aktivnosti na preventivnim i kontrolnim postupcima u vezi sveobuhvatnijeg uključivanja korisnika usluga sa područja cijele općine u organizovani odvoz krutog otpada u cilju smanjenja broja divljih deponija i zaštite životne sredine,
- Intenzivirati aktivnosti na preventivnim i kontrolnim postupcima u vezi bespravne gradnje objekata i to u ranim fazama bespravne gradnje (zemljani i pripremni radovi) kako bi se suzbila odnosno spriječila bespravna gradnja, sa što manjim posljedicama za investitora,
- Putem sredstava informisanja i sastanaka sa predstavnicima MZ raditi na informisanju i upoznavanju stanovništva u procesu zakonitog građenja, davanja konkretnih savjeta i podsticanja poštivanja zakona a posebno u vezi odredbi važećeg Zakona o uvjetima i postupku bespravno izgrađenih građevina a koji je na snazi do 31. maja 2016. godine,

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
 -Općinski načelnik-

OPĆINSKI NAČELNIK

Sanel Buljubašić, s.r.

Broj: 07-221/13

Srebrenik: 05.03.2013. godine.